

Kompleks LPN Jerlun dirasmi

Kerajaan kaji naikkan harga padi

KERAJAAN sedang mengkaji satu sistem menaikkan harga padi tanpa melibatkan kenaikan harga beras dalam usaha menambahkan lagi pendapatan petani di negara ini.

Demikian dinyatakan oleh Timbalan Perdana Menteri Dato Seri Dr. Mahathir Mohamad ketika merasmikan pembukaan kompleks pengering dan pengilang padi LPN menelan belanja \$4.5 juta di Jerlun kira-kira 14 batu dari sini hari ini.

Katanya, sistem itu jika dilaksanakan dapat memberi faedah lebih kepada pengguna dan pengusaha khususnya para petani.

Kerajaan, tambah beliau, sentiasa menitikberatkan masalah yang dihadapi oleh golongan tani yang terlibat dalam perusahaan padi.

Menurut beliau, sistem harga itu akan dapat dilaksanakan jika Kerajaan yang ada sekarang dapat berkuasa kembali.

Dato Seri Dr. Mahathir juga mengumumkan mulai tahun ini semua jemaah haji dari utara

**ALOR SETAR, Selasa
(Bernama)**

Semenanjung akan mendapat kemudahan menaiki kapal terbang dari lapangan terbang di Pulau Pinang.

Katanya, kemudahan itu akan mengatasi semua masalah yang dihadapi oleh jemaah haji kerana mereka terpaksa pergi ke Kuala Lumpur menaiki kapal terbang ke Mekah.

Bellau juga berkata, Kerajaan telah melaksanakan peibaga projek pembangunan di samping mengadakan rancangan pembangunan rohaniah.

"Tidaklah benar bagi golongan tertentu mengatakan Kerajaan mengabaikan kemudahan rohaniah," katanya.

Katanya, golongan itu juga secara tidak bertanggungjawab menuduh Kerajaan kononnya telah mengabaikan keadaan sosio-ekonomi rakyat yang tinggal di luar bandar.

Bellau berkata, mereka itu telah pergi dari kampung ke kampung dengan memberi gambaran yang buruk terhadap

Kerajaan.

Dato Seri Dr. Mahathir mengingatkan rakyat supaya jangan mudah terperangkap dan tertipu dengan dakyah mereka itu.

Sementara itu pemberita kita Suhalmi Asmawi melaporkan Menteri Besar Dato Seri Syed Ahmad Shahabuddin berkata, Kerajaan kenalah bertindak segera bagi mengatasi tekanan pengilang-pengilang swasta yang mengenakan potongan kati yang tinggi terhadap padi petani yang dituai dalam musim hujan.

Katanya, tindakan itu menimbulkan kekecewaan di kalangan petani negeri ini, tetapi Kerajaan dapat mengatasinya.

Berikutan dengan kejadian itu jelasnya, Kerajaan telah membina kilang-kilang padi di kawasan petani-petani sendiri supaya masalah seperti itu tidak berlaku lagi.

Dengan terbinanya kompleks pengering dan pengilang padi yang menelan belanja berjuta-juta ringgit oleh LPN petani-petani berpeluang menjual padi mereka dengan harga yang berpatutan.